



Indgået

27 FEB. 2018

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Uunga
Inatsisartunut ilaasortaq
Per Rosing Petersen
Partii Naleraq

19-02-2018
Sulap normua 2018-
Akt. id. 7189239

Piniartut apparisaannut naartunermi naartunersiutinik erninermilu ullormusianik pissarsinissamut periarfissanut tunngatillugu § 37 naapertorlugu apequteqaammut nr. 2018-034-mut akissuteqaat.

Qujanaq apequtinnut.

- 1. Piniartut apparisaanut erninersiuteqarnermut - ernisimanermut tapiissutit - periarfissat suppat, immikkullu piniartut aappaannut tapiissuteqarnissamut periarfissiisoqarpa?**

Postboks 260
3900 Nuuk
Oqarasuaat (+299) 34 50
00
Naqitanik nassitsigasuaat
+299 34 66 66
Mail: inian@nanoq.gl
www.naalakkersuisut.gl

Naartunermi, erninermi meeravissiartaarnermilu sulinngiffeqartarneq ullormusiaqartarnerlu pillugit Inatsisartut inatsisaat nr. 14, 7. december 2009-meersumi kapitali 12-imi atuarneqarsinnaavoq, inatsit taanna naapertorlugu piniartut apparisaat ullormusianik tunineqarsinnaasut, katissimallugu aappami inooqatimiluunniit inuussutissarsiorluni ingerlatsinerani ikiortaallutik sulisimagunik. Inatsisip § 32-nut oqaaseqaatini atuarneqarsinnaavoq, aalajangersakkami tassani piniartut sullitassanut ilaasut.

Inatsisip § 33-a naapertorlugu katissimallugulu apparisaq inooqatigisarluunniit sulinngiffeqarneq sioqqullugu sapaatit akunerini 13-ini kingullerni akissarsitugalugu sulisimangitsoq sapaatip akunneranut nalunaaquttap akunnerinut 14-inut erninermi ullormusianik tunineqarsinnaavoq. Katissimallugu aappaasutut inooqataasutulluunniit ikiortaasoq aamma allamik akissarsitugalugu suliffilik ikiortaanerminut sulisartuunerminullu ullormusianik tunineqarsinnaavoq, sapaatilli akunneranut akunnerit 40-t sinnernagit.

Aningaasat qaffanneqarsinnaapput, pineqartup uppersarsarsinnaappagu, § 33 naapertorlugu apparisap suliffeqarfiani ikiuussinnaannginnerup nalaani isertitatut annaasat ullormusiat aningaasartaannit annertuumik nikingassuteqassasut.

- 2. Piniartut apparisaanut erninersiuteqarnermut - ernisimanermut tapiissutit - periarfissiornissamut Naalakkersuisut pilersaaruteqarpat?**

Apeqqut 1-mut akissummut innersuussisoqarpoq.

Inussiarnersumik Inuulluaqqusillunga

Sara Olsvig